

Saksbehandlar: Hogne Haktorson, kontrollsjef for Vestland fylkeskommune
Sak nr.: 17/4179-22

Konkurransetsetting av revisjonstenestene for Vestland fylkeskommune - Forslag til konkurransegrunnlag

Kontrollsjefen rår kontrollutvalet til å gjere slikt vedtak:

1. Framlagt konkurransegrunnlag, med dei endringar som framkom i møtet, vert vedteke.
2. Kontrollsjefen får fullmakt til å gjera naudsynte redaksjonelle og strukturelle endringar i konkurransegrunnlaget før det vert sendt ut.

Vedlegg:

- Vedlegg A Kravspesifikasjon
- Vedlegg B Leverandøren si skildring av leveransen
- Vedlegg C Prisar

Andre relevante dokument i saka:

SAKSFRAMSTILLING

1. Bakgrunn for saka

Fellesnemnda i Vestland fylkeskommune gjorde slikt vedtak i sak PS 34/18 i møte 21.09.2018:

«Vestland fylkeskommune vel å kjøpa alle revisjonstenester i marknaden.

- *Kontrollutvala i Sogn og Fjordane fylkeskommune og Hordaland fylkeskommune førebur sak om innkjøp av revisjonstenester med verknad frå 01.01.2020.*
- *Utvala knyter til seg naudsynt hjelp, dei utformar konkurransegrunnlag og førebur sak heilt fram til at dei innstiller overfor fellesnemnda på val av revisor.»*

Vidare gjorde fellesnemnda i Vestland fylkeskommune slikt vedtak i sak PS 53/18 i møte 19.12.2018:

1. *Hogne Haktorson vert tilsett i stillinga som kontrollsjef i Vestland fylkeskommune.*
2. *Kontrollsjefen får ansvar for det praktiske arbeidet i samband med etablering av sekretariat for kontrollutval for Vestland fylkeskommune. I dette ligg også hovedansvar for å bistå kontrollutvala i arbeidet med konkurranseutsetting av revisjonstenestene for Vestland fylkeskommune.*
3. *Kontrollsjefen får tilsettingsmynde for tilsetting av medarbeidarar i sekretariat for kontrollutvalet i Vestland fylkeskommune.*
4. *Fellesnemnda delegerer fullmakt til eit utval bestående av dei to kontrollutvalsleiarane og dei to*

nestleiarane til å gjera avtale om lønsvilkår og andre vilkår. Overgangen til ny stilling skjer etter avtale med kontrollutvala i Hordaland og Sogn og Fjordane. Utvalet vert leia av kontrollutvalsleiar i Hordaland.

Kontrollutvalet i Sogn og Fjordane fylkeskommune vedtok slik «Plan for anbudsprosess vedrørende val av revisor for Vestland fylkeskommune» i møte 20.11.2018 og kontrollutvalet i Hordaland fylkeskommune gjorde det same i møte 17.12.2018:

Kven	Kva	Når
Valt tilbydar	Start kontraktperiode	01.01.2020
Tilbydarar	Tilbodet står ved lag til	31.12.2019
Sekretariatet	Signering av kontrakt	November/desember
Tilbydarar	Utløp av karenperiode	10 dagar etter melding om tildeling
Sekretariatet	Melding om tildeling	Oktober/november
Fellesnemnda	Endeleg vedtak om val av revisor for Vestland fk	12. september 2019
Kontrollutvalet i SFFK	Tilråding	September 2019
Kontrollutvalet i HFK	Tilråding	September 2019
Kontrollutvala SFFK	Presentasjon av forslag til evaluering av tilbod	28.05.2019
Kontrollutvalet HFK	Presentasjon av forslag til evaluering av tilbod	17.06.2019
Sekretariatet	Evaluering av innkomne tilbod	April - juni
Tilbydarar	Innsending av tilbod (Anbudsopning)	11.04.2019 kl. 12.00
Sekretariatet/innkjøp	Siste dag svar på spørsmål til konk.grunnlaget	04.04.2019
Innkjøp	Anbud kunngjort i DOFFIN og evt. TED	25.02.2019
Kontrollutvalet i SFFK	Godkjenning av konkurransegrunnlag	11.02.2019
Kontrollutvalet i HFK	Godkjenning av konkurransegrunnlag	11.02.2019
Sekretariatet/Innkjøp	Markedsdialog med aktuelle tilbydarar	Januar 2019
Sekretariatet /Innkjøp	Utarbeiding av konkurransegrunnlag	01.12.18 – 15.01.19
Kontrollutvalet i HFK	Plan for anbudsprosess val av revisor	17. des. 18
Kontrollutvalet i SFFK	Plan for anbudsprosess val av revisor	20. nov.18

2. Drøfting

I tråd med det som går fram over har kontrollsjefen i Vestland fylkeskommune fått hovedansvar for å bistå kontrollutvala i arbeidet med konkurranseutsetting av revisjonstenestene for Vestland fylkeskommune.

Forslag til konkurransegrunnlag for konkurranseutsetting av revisjonstenestene vert difor no lagt fram for kontrollutvala i Sogn og Fjordane fylkeskommune og Hordaland fylkeskommune. Kontrollsjefen i Vestland fylkeskommune har, saman med jurist utlånt frå innkjøpsseksjonen i Hordaland fylkeskommune, utarbeidd forslag til konkurransegrunnlag. Kontrollsjefen i Sogn og Fjordane fylkeskommune har også vore involvert i dette arbeidet. Konkurransegrunnlaget tar utgangspunkt i ein mal som vert nytta av innkjøpsavdelinga i Hordaland fylkeskommune til alle innkjøp. Desse dokumenta er tilpassa innkjøp av revisjonstenester for Vestland fylkeskommune. Det er desse vedlagte dokumenta som vil vera av særskilt interesse for kontrollutvala å drøfte:

- Vedlegg A Kravspesifikasjon
- Vedlegg B Leverandøren si skildring av leveransen
- Vedlegg C Prisar

Dei andre dokumenta i konkurransegrunnlaget inneheld for det meste formaliteter som vil gjelde for alle typar innkjøp. Av desse dokumenta går det m.a. fram dette som kan vera relevant for kontrollutvalet å drøfte:

«TILDELINGSKRITERIUM

Tildelinga skjer på grunnlag av kva for tilbod som har det beste forholdet mellom pris og kvalitet, basert på desse kriteria:

Kriterium	Vekt	Dokumentasjon
Pris	40 %	Ferdig utfylt Vedlegg C - Prisskjema

Kriterium	Vekt	Dokumentasjon
Kvalitet (løysing av oppdraget)	30 %	Ferdig utfylt Vedlegg B - Leverandøren si skildring av leveransen
Kompetanse	30 %	Ferdig utfylt Vedlegg B

Alle godkjente tilbud vil bli evaluerte med poeng på tildelingskriteria, der 6 er høgast og 0 er lågast.

Oppdragsgjevar nyttar ein evalueringsmodell der beste pristilbod får 6 poeng, medan dei andre pristilboda får poeng basert på forholdsmessig metode ($PB/PE \times 6 =$, der PB står for beste pristilbod og PE for det evaluerte pristilbodedet).

Beste tilbud på det einskilde kvalitative kriterium vil verte oppjustert til maksimalt antal poeng, og dei andre tilbydarane vert flytta proporsjonalt etter dette.»

«TIDSLENGDE

Rammeavtalen trer i kraft 01.01.2020 og varar til 30.06.2024. Rekneskapsrevisjon for perioden 01.01. – 30.06.2020 skal omfatte naudsynt revisjon for rekneskapsåret 2020 i tråd med punkt 3 i vedlegg A – Kravspesifikasjon. Prissetting for dette halvåret skal avspegle at «førre revisor» reviderar årsrekneskapane for 2019 i vårhalvår 2020, slik at det vert mindre arbeid for «ny revisor» i dette halvåret enn i øvrige vårhalvår. Revisjon for 2023 inneheld revisjon av årsrekneskapen for 2023, ferdig gjennomført våren 2024. Kontrakten vert avslutta ved avtaletida si utløp, utan føreutgåande oppseiing.»

Kontrollutvala vert invitert til å gjennomgå og ta stilling til dei aktuelle dokumenta som viser forslag til områder som konkurransegrunnlaget skal omfatta, og som skal lysast ut.

Det vert lagt opp til å ha eit felles video møte mellom dei to kontrollutvala der forslaget vert presentert. Det må reknast god tid for kontrollutvala til gjennomgang og drøfting av innhaldet.

3. Konklusjon

Kontrollutvala føretek gjennomgang av anbodsdocumenta i møtet.